

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 8 MAC 2016, PUKUL 10.00 PAGI

Bil. 2

PERTANYAAN-PERTANYAAN BAGI JAWAB LISAN

1. PR-1341-L73358
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI KEWANGAN** menyatakan apakah projek-projek prioriti yang telah dikenalpasti berikutan cabaran ekonomi global dan pengubahsuaian bajet baru-baru ini demi kepentingan negara dan kesejahteraan rakyat.
2. PR-1341-L72788
Dato' Seri Dr. Wan Azizah binti Wan Ismail [Permatang Pauh] minta **MENTERI PERDAGANGAN ANTARABANGSA DAN INDUSTRI** menyatakan bilakah Kerajaan bercadang meratifikasikan Perjanjian Perkongsian Trans-Pasifik (TPPA) dan apakah kesan kepada TPPA yang ditandatangani pada 4 Febuari 2016 lalu jika sekiranya Kongres Amerika Syarikat meratifikasikannya.
3. PR-1341-L73120
Dato' Abdul Manan bin Ismail [Paya Besar] minta **MENTERI DALAM NEGERI** menyatakan kejayaan Polis Diraja Malaysia (PDRM) menggagalkan plot rancangan serangan pengganas Islamic State (IS) di negara ini.
4. PR-1341-L72765
Tuan Julian Tan Kok Ping [Stampin] minta **PERDANA MENTERI** menyatakan justifikasi mengapakah Ketua Menteri Sarawak bukannya wakil mutlak dalam Jawatankuasa National Security Bill (NSC). Nyatakan kuasa dari segi undang-undang yang ada pada Ketua Menteri Sarawak dari segi penguatkuasaan NSC sekarang.
5. PR-1341-L71640
Datuk Seri Panglima Haji Abdul Ghapur bin Haji Salleh [Kalabakan] minta **MENTERI KERJA RAYA** menyatakan bilakah pelaksanaan projek Lebuhraya Pan Borneo akan dimulakan.

6. PR-1341-L73527
Dato' Seri Mohamed Azmin bin Ali [Gombak] minta **MENTERI KEWANGAN** menyatakan impak kewangan dan operasi ke atas syarikat-syarikat kaitan Kerajaan (GLC) dalam suasana ekonomi hari ini.
7. PR-1341-L71629
Dato' Haji Mohd Zaim bin Abu Hasan [Parit] minta **MENTERI KESIHATAN** menyatakan apakah langkah Kerajaan bagi menangani penyebaran wabak penyakit Virus Zika dari kalangan warga asing khususnya pendatang tanpa izin yang masuk secara haram ke Malaysia.
8. PR-1341-L72280
Dato' Takiyuddin bin Hassan [Kota Bharu] minta **PERDANA MENTERI** menyatakan apakah langkah yang diambil Kerajaan bagi memastikan Suruhanjaya Pencegahan Rasuah Malaysia (SPRM) diberikan kuasa dan kebebasan yang secukupnya bagi menjalankan siasatan dengan adil tanpa tekanan mana-mana pihak.
9. PR-1341-L71607
Datuk Sapawi bin Ahmad Wasali [Sipitang] minta **MENTERI KOMUNIKASI DAN MULTIMEDIA** menyatakan apakah langkah diambil untuk membendung penyalahgunaan media sosial khususnya aplikasi Whatsapp, untuk mencetuskan suasana kegusaran dan kerisauan di kalangan orang ramai, terutamanya berkaitan aspek keselamatan.
10. PR-1341-L73087
Dato' Dr. Mujahid Yusof Rawa [Parit Buntar] minta **MENTERI PERDAGANGAN ANTARABANGSA DAN INDUSTRI** menyatakan kempen Malaysia sebagai destinasi pelaburan dan senarai negeri-negeri yang mendapat manfaat dari kempen tersebut serta jumlah pelaburan yang diterima.
11. PR-1341-L71867
Tuan Khoo Soo Seang [Tebrau] minta **MENTERI TENAGA, TEKNOLOGI HIJAU DAN AIR** menyatakan apakah usaha kolaborasi Kementerian bersama agensi lain dalam mempertimbangkan isu pelepasan karbon yang tinggi akibat sektor tenaga dengan mempromosikan tenaga yang boleh diperbaharui dan menghadapi cabaran apabila harga minyak kini murah.
12. PR-1341-L72964
Tuan Nga Kor Ming [Taiping] minta **MENTERI DALAM NEGERI** menyatakan secara terperinci sejak tahun 2008 sehingga kini berapakah pendatang asing yang berjaya memperoleh status pemastautin tetap atau kelayakan warganegara mengikut nama-nama negara.
13. PR-1341-L72529
Dato' Haji Irmohizam bin Haji Ibrahim [Kuala Selangor] minta **PERDANA MENTERI** menyatakan status kajian semula Akta Rahsia Rasmi (OSA) 1972 yang bertujuan untuk memastikan kerahsiaan maklumat Kerajaan dipelihara serta bilakah ia dijangka akan dibentangkan di Parlimen.

14. PR-1341-L73373
Dr. Tan Seng Giaw [Kepong] minta **MENTERI DALAM NEGERI** menyatakan selain Daesch (IS), terdapat berapa pertubuhan pengganas atau ekstremis di dunia dan di Malaysia dan cara mengatasinya.
15. PR-1341-L73503
Tan Sri Datuk Seri Panglima Joseph Pairin Kitingan [Keningau] minta **MENTERI DALAM NEGERI** menyatakan apakah manfaat kepada Malaysia dengan kemasukan 3000 pelarian dari Syria ke dalam negara dan adakah mereka ini ditapis terlebih dahulu supaya mereka tidak merbahaya dari segi keselamatan dan kesihatan.
16. PR-1341-L72645
Dato' Ngeh Koo Ham [Beruas] minta **MENTERI PERDAGANGAN ANTARABANGSA DAN INDUSTRI** menyatakan sama ada harga kereta di negara kita akan turun selepas Trans-Pacific Partnership Agreement (TPPA) yang telah ditandatangani oleh negara kita dilaksanakan. Adakah Kerajaan akan terus memastikan harga kereta import tinggi untuk melindungi kereta PROTON.
17. PR-1341-L72040
Dato' Noraini binti Ahmad [Parit Sulong] minta **PERDANA MENTERI** menyatakan laporan terkini Model Indeks Syariah yang mengukur pencapaian setiap dasar dan program Kerajaan dalam menterjemah nilai dan prinsip Islam sejak pelancarannya.
18. PR-1341-L73304
Dr. Michael Teo Yu Keng [Miri] minta **MENTERI PENDIDIKAN TINGGI** menyatakan sama ada pihak Kementerian boleh mempertimbangkan untuk menerima seseorang pemegang Unified Examination Certificate (UEC) yang juga mempunyai "kepujian" dalam Bahasa Melayu Sijil Pelajaran Malaysia (SPM) melanjutkan pelajaran ke Institusi Pengajian Tinggi Awam (IPTA).
19. PR-1341-L73051
Dato' Shamsul Anuar bin Haji Nasarah [Lenggong] minta **MENTERI PERTANIAN DAN INDUSTRI ASAS TANI** menyatakan perancangan Kementerian dalam meningkatkan hasil pengeluaran padi negara dan tidak hanya tertumpu kepada beras import daripada negara jiran.
20. PR-1341-L73412
Tuan Haji Khalid bin Abdul Samad [Shah Alam] minta **MENTERI PENDIDIKAN** menyatakan dasar Kerajaan terhadap sekolah-sekolah antarabangsa dan jumlah bilangan sekolah tersebut di seluruh negara.
21. PR-1341-L73591
Dato' Sri Hasan bin Malek [Kuala Pilah] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah langkah yang diambil oleh Kerajaan bagi mengekang kenaikan harga rumah yang di luar jangkaan pada hari ini. Sewajarnya pihak Kerajaan menetapkan 'harga siling' bagi harga jualan rumah agar tidak membebankan rakyat dan menyekat pemaju yang rakus mengambil keuntungan yang melampau.

22. PR-1341-L72545
Puan Alice Lau Kiong Yieng [Lanang] minta **MENTERI KEWANGAN** menyatakan :-
- (a) kenapa BR1M yang diagihkan bayaran pada 28/1/2016 mengkategorikan permohonan isi keluarga ibu/bapa tunggal dari kategori isi rumah kepada kategori individu iaitu daripada bayaran RM1000/RM800 kepada RM400; dan
 - (b) bagaimanakah rayuan dapat dilakukan memandangkan banyak keluarga telah menerima RM400 pada bulan Januari 2016.
23. PR-1341-L73429
Datuk Wira Haji Ahmad bin Hamzah [Jasin] minta **MENTERI PERDAGANGAN ANTARABANGSA DAN INDUSTRI** menyatakan berapa banyak pelabur asing membawa wang masuk (FDI) dan berapa banyak pula dibawa keluar dari Malaysia pada tahun 2014 dan 2015. Apakah usaha untuk menyekat pengaliran keluar wang masuk (FDI) yang besar itu.
24. PR-1341-L71928
Dato' Mansor bin Othman [Nibong Tebal] minta **MENTERI PENDIDIKAN TINGGI** menyatakan langkah-langkah yang diambil oleh Kementerian dan pihak pentadbiran universiti-universiti bagi menangani permasalahan mahasiswa yang terpaksa berdepan dengan peningkatan kos yuran pengajian mereka dan juga dalam masa yang sama berdepan dengan keputusan dasar Kerajaan mengurangkan pembiayaan pinjaman PTPTN.
25. PR-1341-L72324
Datuk Noor Ehsanuddin bin Mohd Harun Narrashid [Kota Tinggi] minta **MENTERI KESIHATAN** menyatakan adakah Kementerian mempunyai pelan strategik ke atas pengawalan penyakit mudah berjangkit seperti Tuberculosis (TB), Virus Zika dan sebagainya yang membabitkan warga asing yang bekerja, belajar mahu pun melancong ke Malaysia.
26. PR-1341-L72764
Tuan Julian Tan Kok Ping [Stampin] minta **MENTERI KEWANGAN** menyatakan jumlah kutipan daripada hasil pungutan GST pada tahun 2015 serta 2016.
27. PR-1341-L73504
Datuk Dr. Ewon Ebin [Ranau] minta **PERDANA MENTERI** menyatakan :-
- (a) bilakah kajian semula Perjanjian Malaysia 1963 (yang terakhir) dijalankan serta keputusannya; dan
 - (b) sama ada penurunan kuasa kepada negeri-negeri Borneo, Sabah dan Sarawak kelak akan mengambil kira hak-hak istimewa negeri Sabah dan Sarawak seperti mana yang termaktub dalam Perjanjian Malaysia 1963.

28. PR-1341-L72928
Tuan Mohd Rafizi bin Ramli [Pandan] minta **PERDANA MENTERI** menyatakan sama ada Tabung Haji telah atau akan bersetuju memberi kebenaran (mengikut Perjanjian Sukuk) kepada 1MDB menjual pegangan 1MDB di dalam Bandar Malaysia Sdn Bhd seperti diumumkan Presiden/CEO 1MDB pada 31 Disember 2015.
29. PR-1341-L72691
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI KEWANGAN** menyatakan adakah kaedah rasionalisasi subsidi minyak mengikut tahap pendapatan akan dilaksanakan, dan jika ada bagaimanakah kaedah yang sesuai dan bilakah ia akan dilaksanakan.
30. PR-1341-L72010
Tuan Hee Loy Sian [Petaling Jaya Selatan] minta **MENTERI KESIHATAN** menyatakan langkah Kerajaan mencegah virus Zika daripada menular ke negara ini.
31. PR-1341-L73108
Tuan William Leong Jee Keen [Selayang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan skim-skim yang disediakan untuk golongan berpendapatan pertengahan dan rendah untuk membiayai pembelian rumah-rumah kos rendah dan mampu milik.
32. PR-1341-L72449
Puan Siti Zailah binti Mohd Yusoff [Rantau Panjang] minta **MENTERI DALAM NEGERI** menyatakan bilakah Pagar Keselamatan Antarabangsa akan dibina di sepanjang Sungai Golok, Rantau Panjang dan apakah ia diselaraskan dengan pembinaan tembatan banjir.
33. PR-1341-L73329
Tuan Wong Chen [Kelana Jaya] minta **MENTERI KEWANGAN** menyatakan :-
- (a) urus niaga terkini portfolio global Kumpulan Wang Simpanan Pekerja (KWSP); dan
 - (b) dasar pelaburan global KWSP pada masa hadapan.
34. PR-1341-L72368
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan tujuan SRC International membuat pembayaran sebanyak RM170 juta antara 8 Julai sehingga 8 Ogos 2014 kepada Syarikat Putra Perdana Construction. Mengapakah RM27 juta daripada jumlah di atas disalurkan kepada akaun bank Menteri Kewangan.

35. PR-1341-L72933
Tuan Mohd Rafizi bin Ramli [Pandan] minta **MENTERI KEWANGAN** menyatakan bayaran yang telah dibuat, peratusan kerja yang siap, bayaran tertunggak bagi kerja yang telah siap dan baki kos menyiapkan kerja bagi setiap "Development Agreement"• membangunkan 8 pangkalan udara di antara Kerajaan Malaysia dan 1MDB.
36. PR-1341-L73573
Tuan Oscar Ling Chai Yew [Sibu] minta **MENTERI DALAM NEGERI** menyatakan adakah kes pembunuhan yang berlaku pada 9/1/2016 di Sibu melibatkan kongsi gelap. Adakah mangsa tersebut itu terlibat dalam kegiatan dadah, dan apakah perkembangan terbaru kes tersebut.
37. PR-1341-L73562
Tuan Er Teck Hwa [Bakri] minta **MENTERI SUMBER MANUSIA** menyatakan statistik dan maklumat yang diguna pakai untuk anggaran bahawa Malaysia perlu menambah 1.5 juta pekerja asing.
38. PR-1341-L71986
Puan Teresa Kok Suh Sim [Seputeh] minta **MENTERI PENDIDIKAN** menyatakan status terbaru Sekolah Kebangsaan Danau Perdana yang terbengkalai di Jalan 1/109F di Danau Desa, Kuala Lumpur. Apakah Kementerian mempunyai rancangan untuk menjual tapak sekolah tersebut kepada sektor swasta untuk mengadakan pembangunan campuran.
39. PR-1341-L72106
Tuan Zairil Khir Johari [Bukit Bendera] minta **PERDANA MENTERI** menyatakan jumlah penerima biasiswa pendidikan JPA termasuk Program Lulusan Bursary, Program Biasiswa Nasional, Biasiswa Ijazah Pertama dan Program Khas Kejuruteraan bagi setiap tahun dari 2012 hingga 2016.
40. PR-1341-L73327
Tuan Wong Chen [Kelana Jaya] minta **MENTERI KEWANGAN** menyatakan :-
- (a) siapakah yang telah meluluskan penyaluran dana sebanyak RM42 juta daripada SRC International Sdn. Bhd. ke akaun peribadi milik Perdana Menteri tanpa pengetahuannya; dan
 - (b) adakah kesemua wang berjumlah RM42 juta tersebut telah dikembalikan kepada SRC International Sdn. Bhd.
41. PR-1341-L72573
Tuan V. Sivakumar [Batu Gajah] minta **MENTERI BELIA DAN SUKAN** menyatakan kejayaan yang telah dicapai oleh Program NAAM iaitu projek menanam cili untuk meningkatkan ekonomi belia-belia India. Berapakah wang yang telah disalurkan oleh Kementerian dan hasil yang diperoleh daripada projek NAAM setakat ini.

42. PR-1341-L72198
Puan Hajah Zuraida binti Kamaruddin [Ampang] minta **MENTERI DALAM NEGERI** menyatakan syarikat manakah yang akan menguruskan permohonan pekerja asing lulus 48 jam dalam talian.
43. PR-1341-L72150
Dr. Michael Jeyakumar Devaraj [Sungai Siput] minta **MENTERI DALAM NEGERI** menyatakan bilangan kes permohonan kewarganegaraan yang telahpun diluluskan oleh pihak Kementerian tetapi belum dikutip oleh pemohon dengan menyatakan pecahan etnik dan negeri pemohon.
44. PR-1341-L72999
Dato' Seri Tiong King Sing [Bintulu] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan :-
- (a) apakah langkah-langkah Kementerian dalam mengawal harga barangan terutamanya pengusaha yang hanya menaikkan harga barangan ketika harga minyak meningkat, tetapi tidak menurunkan harga barangan ketika harga minyak menjunam; dan
 - (b) apakah langkah-langkah Kementerian dalam memastikan pengguna di kawasan pedalaman Sabah dan Sarawak turut menikmati harga barangan kawalan yang sama seperti di kawasan bandar.
45. PR-1341-L71831
Tuan M. Kulasegaran [Ipoh Barat] minta **MENTERI KESIHATAN** menyatakan :-
- (a) jumlah doktor yang sedang menunggu untuk menjalani latihan sebagai doktor pelatih "houseman" serta tempoh masa penungguan yang perlu diambil; dan
 - (b) jumlah doktor pelatih "houseman" yang telah berhenti kerja tanpa menamatkan atau melengkapkan latihan.
46. PR-1341-L72079
Tan Sri Dato' Seri Abd Khalid bin Ibrahim [Bandar Tun Razak] minta **PERDANA MENTERI** menyatakan dapatan sebarang analisa ujian tekanan dan sensitiviti sejauh mana Malaysia mampu bertahan akibat junaman harga komoditi serta pelan tindakan jangka pendek, sederhana dan panjang menangani impak negatif sekiranya harga minyak terus jatuh sehingga ke bawah USD20/tong dalam tempoh yang panjang.
47. PR-1341-L72367
Datuk Juslie bin Ajirol [Libaran] minta **PERDANA MENTERI** menyatakan dakwaan mengenai Unit Peneraju Agenda Bumiputera (Teraju) yang gagal berfungsi untuk meningkatkan tahap keberkesanan pengagihan dana serta Program Inisiatif Pembangunan Usahawan Bumiputera yang kini dilihat tidak diuruskan dengan efektif.

48. PR-1341-L73551
Tuan Charles Anthony Santiago [Klang] minta **MENTERI PERDAGANGAN ANTARABANGSA DAN INDUSTRI** menyatakan status perundingan Perjanjian Perdagangan Bebas Malaysia- Kesatuan Eropah dan Perjanjian 'Regional Comprehensive Economic Partnership'. Adakah perjanjian-perjanjian ini mengandungi ISDS dan IPR yang berkait dengan paten dan biologics.
49. PR-1341-L73235
Tuan Ahmad Marzuk bin Shaary [Bachok] minta **MENTERI PERTANIAN DAN INDUSTRI ASAS TANI** menyatakan kaedah dan mekanisma yang disediakan pihak Kementerian untuk rakyat memohon projek ternakan rusa yang diumumkan Perdana Menteri sebagai inovasi baru bidang penternakan yang menguntungkan dalam Bajet 2016.
50. PR-1341-L71917
Datuk Dr. Haji Abd. Latiff bin Haji Ahmad [Mersing] minta **MENTERI PERDAGANGAN ANTARABANGSA DAN INDUSTRI** menyatakan apakah rancangan atau pelan tindakan yang komprehensif bagi membantu IKS khususnya Bumiputera dalam menghadapi TPPA yang akan dilaksanakan pada tahun 2018 nanti.
51. PR-1341-L72692
Tuan Sim Tong Him [Kota Melaka] minta **MENTERI KEWANGAN** menyatakan :-
- (a) jumlah mesin perjudian yang berlesen mengikut setiap negeri dan nyatakan syarat-syarat yang perlu dipatuhi oleh pemilik; dan
 - (b) bagaimanakah kawalan operasi pusat mesin perjudian berlesen ini, dan bilangan lesen yang dibatalkan dan apa sebabnya.
52. PR-1341-L72115
Dr. Ko Chung Sen [Kampar] minta **PERDANA MENTERI** menyatakan :-
- (a) sama ada beliau nampak konflik kepentingan apabila Peguam Negara yang dilantik oleh Perdana Menteri menyiasat wang sebanyak RM2.6 bilion dalam akaun peribadi Perdana Menteri dan melaporkan kepada Perdana Menteri; dan
 - (b) sama ada Peguam Negara boleh diminta menjelaskan di Parlimen sebab-sebab mengapa tidak terdapat apa-apa kesalahan jenayah berhubung RM2.6 bilion tersebut.
53. PR-1341-L73559
Tuan Er Teck Hwa [Bakri] minta **MENTERI DALAM NEGERI** menyatakan bilangan warganegara Malaysia yang ke luar negara melebihi jangka masa 1 tahun dengan pecahan mengikut kaum, negara yang dituju dan alasan yang diberikan.

54. PR-1341-L71707
Dato' Kamarul Baharin bin Abbas [Telok Kemang] minta **PERDANA MENTERI** menyatakan apakah rancangan Kerajaan untuk menggubal undang-undang serta peruntukan khusus yang membolehkan pendakwaan di mahkamah dilakukan terhadap seseorang penjawat awam yang mempunyai gaya hidup melebihi pendapatan bagi mengukuhkan agenda integriti dalam negara memandangkan pada masa ini tidak terdapat undang-undang yang berkaitan perkara tersebut.
55. PR-1341-L72694
Tuan Teo Kok Seong [Rasah] minta **MENTERI PENGANGKUTAN** menyatakan secara terperinci hasil siasatan nahas udara yang melibatkan Ahli Parlimen Rompin dan Ketua Setiausaha Sulit Perdana Menteri pada 4 April 2015.
56. PR-1341-L72499
Dr. Ong Kian Ming [Serdang] minta **MENTERI KEWANGAN** menyatakan statistik pengguna Sunway-BRT pada bulan Julai 2015 hingga ke Februari 2016 dan sama ada pertimbangan sedang dibuat untuk menurunkan tambang untuk Sunway-BRT.
57. PR-1341-L72116
Dr. Ko Chung Sen [Kampar] minta **MENTERI KEWANGAN** menyatakan :-
- (a) mengapa 1MDB membayar faedah penamatan RM22 juta kepada seorang pengarah Jimah Energy pada tahun 2014; dan
 - (b) sama ada pengarah-pengarah Edra Global Energy Berhad dibayar faedah penamatan dan berapakah jumlahnya, serta adakah pengarah-pengarah 1MDB berhak kepada manfaat penamatan dan bonus yang sama apabila ditamatkan perkhidmatan.
58. PR-1341-L72608
Puan Kasthuriraani a/p Patto [Batu Kawan] minta **MENTERI DALAM NEGERI** menyatakan bilangan pegawai yang didapati bersalah di atas tuduhan rasuah, jawatan mereka serta semua tindakan susulan yang diambil ke atas laporan pendedahan Cawangan Khas (Special Branch) bahawa 80% daripada kakitangan keselamatan negara dan pegawai penguatkuasa di sempadan Malaysia terbabit rasuah.
59. PR-1341-L73323
Tuan Wong Chen [Kelana Jaya] minta **MENTERI KEWANGAN** menyatakan anggaran kedudukan fiskal Kerajaan bagi tahun 2016.
60. PR-1341-L71697
Laksamana Pertama Mohamad Imran bin Abd Hamid (B) [Lumut] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah tindakan yang telah diambil ke atas Laporan Jawatan Kuasa Kira-Kira Wang Negara (PAC) DR 9 Tahun 2014 mengenai Pengurusan Loji Insinerator.

61. PR-1341-L71979
Tuan Ng Wei Aik [Tanjong] minta **PERDANA MENTERI** menyatakan bilangan pelajar yang terjejas ekoran tajaan biasiswa untuk program siswazah dan bursari Pra-Universiti tahun 2016 diberhentikan. Apakah piawaian yang digunakan untuk menentukan mana-mana kriteria pelajar yang harus dilucutkan peluang mereka bagi mendapatkan biasiswa tersebut.
62. PR-1341-L72320
Dato' Haji Zainudin bin Ismail [Jelebu] minta **MENTERI DALAM NEGERI** menyatakan sejauh manakah tahap "seriousness" ancaman pengaruh Daesh telah menular di negara ini dan apakah strategi terkini Kerajaan dalam menangani isu pengaruh Daesh terutama terhadap golongan muda di negara ini.
63. PR-1341-L72929
Tuan Mohd Rafizi bin Ramli [Pandan] minta **MENTERI KEWANGAN** menyatakan nama syarikat atau entiti yang akan bertanggungjawab melunaskan hutang terbitan sukuk RM2.4 bilion Bandar Malaysia Sdn Bhd kepada Tabung Haji dan pemegang sukuk lain selepas proses rasionalisasi 1MDB muktamad.
64. PR-1341-L71874
Dato' Johari bin Abdul [Sungai Petani] minta **MENTERI PENDIDIKAN** menyatakan :-
- (a) berapakah kos pembinaan kesemua kuarters guru di Sungai Petani; dan
 - (b) apakah langkah-langkah yang sedang dan akan diambil bagi menyelamatkan kuarters yang tidak digunakan dari rosak dan punah begitu sahaja.
65. PR-1341-L72861
Tuan Sim Tze Tzin [Bayan Baru] minta **MENTERI PENGANGKUTAN** menyatakan perancangan Kerajaan jika Joint Agency Coordination Center (JACC) gagal mencari MH370 selepas mencari kesemua 120,000 km persegi yang dipersetujui antara negara Australia, China dan Malaysia.
66. PR-1341-L72506
Datuk Haji Shabudin bin Yahaya [Tasek Gelugor] minta **MENTERI KERJA RAYA** menyatakan :-
- (a) adakah pihak Kerajaan bercadang untuk menyemak semula senarai kontraktor kelas F yang masih aktif atau sebaliknya dan membuka penyertaan baru kepada kontraktor atau usahawan muda yang ingin menjadi kontraktor kelas F; dan
 - (b) adakah pihak Kerajaan bercadang untuk menaikkan nilai kerja kontraktor kelas F ke RM300,000.
67. PR-1341-L72815
Puan Teo Nie Ching [Kulai] minta **MENTERI DALAM NEGERI** menyatakan jumlah pekerja asing haram di negara kita dan pendekatan Kerajaan untuk mengatasi masalah ini.

68. PR-1341-L72251
Tan Sri Datuk Seri Panglima Annuar bin Musa [Ketereh] minta **MENTERI KEWANGAN** menyatakan sejauh manakah relevan rasionalisasi subsidi yang dijalankan masih relevan setelah GST dilaksanakan dan apakah langkah untuk mengatasi ketirisan melibatkan subsidi yang diterima oleh buruh asing di negara ini.
69. PR-1341-L73449
Dr. Mohd Hatta bin Md. Ramli [Kuala Krai] minta **PERDANA MENTERI** menyatakan :-
- (a) jumlah miskin tegar relatif (relative poverty) mengikut pecahan negeri-negeri; dan
 - (b) apakah perancangan atau usaha untuk memakai ukuran "relative poverty" seperti kebanyakan Negara-negara maju.
70. PR-1341-L73613
Tuan Haji Ahmad Lai bin Bujang [Sibuti] minta **MENTERI KESIHATAN** menyatakan beberapa jumlah kes pesakit strok dilaporkan di seluruh Malaysia sejak 5 tahun lepas dan apakah langkah Kementerian bagi mengurangkan gejala serangan strok.
71. PR-1341-L72963
Dato' Ir. Haji Nawawi bin Ahmad [Langkawi] minta **MENTERI KOMUNIKASI DAN MULTIMEDIA** menyatakan apakah perancangan pihak Kementerian dalam menaik taraf kualiti perfileman negara agar dapat bersaing dengan negara luar dengan penggunaan teknologi perfileman ter baru.
72. PR-1341-L72060
Tuan Tan Kok Wai [Cheras] minta **MENTERI PERTANIAN DAN INDUSTRI ASAS TANI** menyatakan jumlah bil untuk import makanan dan keadaan pengeluaran makanan di negara ini bagi tahun 2014 dan 2015. Sejauh manakah pencapaian matlamat Dasar Agromakanan Negara khususnya dalam memastikan bekalan makanan adalah terjamin, mencukupi dan boleh didapati dengan harga yang berpatutan.
73. PR-1341-L72809
Datuk Dr. Makin @ Marcus Mojigoh [Putatan] minta **PERDANA MENTERI** menyatakan jenis rancangan mitigasi mengubahsuai semula ekonomi negara (daripada ekonomi yang bergantung kepada hasil keluaran produk petroleum) berikutan dengan penyusutan drastik harga minyak dan hasil keluaran petroleum.

ATURAN URUSAN MESYUARAT DAN USUL-USUL

1. Menteri Dalam Negeri akan mencadangkan:-

“ Bahawa Majlis ini memerintahkan Ketua Polis Negara menjaga supaya selama Penggal Dewan Rakyat yang ada sekarang, jalan-jalan melalui lorong-lorong menuju ke Dewan ini hendaklah sentiasa terbuka dan boleh dilalui dan jangan ada apa-apa halangan menghalang ahli-ahli hendak pergi dan balik dari Dewan ini, jangan berlaku apa-apa kacau-bilau di jalan-jalan menuju ke Dewan ini, dan supaya jangan ada huru-hara di Bangunan Dewan ini dan berhampiran dengan bangunan ini, dan Setiausaha Dewan Rakyat hendaklah menyampaikan perintah ini kepada Ketua Polis Negara yang tersebut itu. “

2. Yang Berhormat Tuan Haji Ahmad Lai bin Bujang [Sibuti] akan mencadangkan:-

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Keempat, Parlimen Yang Ketiga Belas.”

- | | | | |
|----|----------------|--|-------------------------------|
| 3. | (D.R. 36/2015) | Rang Undang-undang Keselamatan Sosial Pekerja (Pindaan) 2015 | Bacaan Kali Yang Kedua |
|----|----------------|--|-------------------------------|

[Menteri Sumber Manusia]

- | | | | |
|----|----------------|----------------------------------|---|
| 4. | (D.R. 30/2015) | Rang Undang-undang Syarikat 2015 | “ |
|----|----------------|----------------------------------|---|

[Menteri Perdagangan Dalam Negeri, Koperasi dan Kepenggunaan]

- | | | | |
|----|----------------|---|---|
| 5. | (D.R. 29/2015) | Rang Undang-undang Skim Kepentingan 2015. | “ |
|----|----------------|---|---|

[Menteri Perdagangan Dalam Negeri, Koperasi dan Kepenggunaan]

- | | | | |
|----|----------------|--|---|
| 6. | (D.R. 34/2015) | Rang Undang-undang Dadah Berbahaya (Langkah-Langkah Pencegahan Khas) (Pindaan) 2015. | “ |
|----|----------------|--|---|

[Menteri Dalam Negeri]

7. (D.R. 37/2015) Rang Undang-undang Profesion “
Undang-undang (Pindaan) 2015
[Menteri di Jabatan Perdana Menteri]
8. (D.R. 39/2015) Rang Undang-undang Kanak-Kanak “
(Pindaan) 2015
**[Menteri Pembangunan Wanita,
Keluarga dan Masyarakat]**
9. (D.R.9/2015) Rang Undang-undang Kanun Tatacara “
Jenayah (Pindaan) 2015
[Menteri di Jabatan Perdana Menteri]
10. (D.R.12/2015) Rang Undang-undang Keterangan “
(Pindaan) 2015
[Menteri di Jabatan Perdana Menteri]
11. (D.R.35/2015) Rang Undang-undang Persaingan “
(Pindaan) 2015
**[Menteri Perdagangan Dalam Negeri,
Koperasi dan Kepenggunaan]**

12. PR-1341-U72985
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa pembangunan infrastruktur di negeri Sabah masih jauh ketinggalan berbanding dengan negeri-negeri lain di Malaysia. Dan mengambil maklum juga bahawa negeri Sabah memerlukan lebih banyak dana demi untuk membangunkan kemudahan infrastruktur terutama sekali di kawasan luar bandar serta keperluan-keperluan lain seperti masalah tebatan banjir, projek perumahan rakyat termiskin dan lain-lain. Dan mengambil maklum juga bahawa rakyat negeri Sabah juga beraspirasi seperti rakyat negeri Sarawak, sepertimana yang dinyatakan oleh YAB Tan Sri Adenan Satem (Ketua Menteri Sarawak) ingin memohon agar royalti minyak dapat dinaikkan kepada kadar 20%. Dan mengambil maklum juga, sekiranya royalti minyak dinaikkan pada kadar 20%, maka dengan lebihan dana tersebut, kerajaan negeri Sabah akan dapat melaksanakan keperluan-keperluan di atas dengan lebih baik dan cepat lagi. Maka, bagi meredakan rungutan dan tuntutan rakyat negeri Sabah, maka Dewan yang mulia ini hendaklah mengambil ketetapan bahawa Kerajaan Malaysia menaikkan kadar royalti minyak bagi negeri Sabah kepada kadar 20% dan sekaligus membolehkan negeri Sabah membangun dengan lebih pesat lagi."

[Perdana Menteri]

13. PR-1341-U73002

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kesesakan Jalan Putatan merupakan rungutan hampir setiap pengguna jalan tersebut. Dan mengambil maklum juga bahawa Jalan Putatan merupakan sebahagian daripada rangkaian Jalan Pan Borneo Highway yang mana sepatutnya mendapat perhatian utama dan bebas kesesakan. Dan mengambil maklum juga, bahawa kesesakan Jalan Putatan juga disebabkan rekabentuk yang kurang baik di mana terdapat terlalu banyak U-Turn dan simpang, yang menjadi penyebab utama kelancaran aliran trafik selain menjadi punca kemalangan. Dan mengambil maklum juga, bahawa kesesakan Jalan Putatan dapat diatasi dengan membina sebatang Jalan Pantai (Coastal Highway) alternatif yang menghubungkan pekan Tanjung Aru dengan Pekan Kinarut. Dan mengambil maklum juga bahawa, sekiranya jalan pantai alternatif yang dimaksudkan dibina, ianya juga boleh membantu untuk mengelakkan hakisan pantai di sepanjang laluan tersebut. Dan mengambil maklum juga bahawa, untuk membina jalan baru sebagai laluan alternatif bagi Jalan Putatan akan menelan belanja yang besar terutama sekali bagi tujuan pampasan tanah yang dilalui. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah membina jalan pantai alternatif bagi Jalan Putatan demi untuk kesejahteraan rakyat yang menggunakan laluan tersebut."

[Menteri Kerja Raya]

14. PR-1341-U73023

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa keengganan Kerajaan Persekutuan untuk mengiktiraf keputusan Peperiksaan Unified Examination Certificate (UEC) telah menimbulkan banyak kontroversi dan masalah terutama sekali kepada pelajar dan ibu/bapa pelajar yang terlibat. Dan mengambil maklum juga bahawa Negeri Sarawak merupakan negeri pertama di negara ini yang mengiktiraf keputusan peperiksaan UEC sepertimana yang diumumkan oleh YAB Tan Sri Adenan Satem dan sekali gus membolehkan pelajar terlibat meneruskan pengajian mereka dengan tanpa halangan di negeri Sarawak, misalnya di Universiti Malaysia Sarawak. Dan mengambil maklum juga bahawa dengan keengganan Kerajaan Malaysia untuk mengiktiraf keputusan peperiksaan UEC, pelajar yang terlibat terpaksa meneruskan pendidikan mereka di luar negara dan seterusnya bekerja serta menetap di luar negara adalah merupakan kerugian besar negara sebagaimana yang ditekankan oleh YAB Ketua Menteri Sarawak. Dan mengambil maklum juga, bahawa ramai pelajar dan ibu/bapa menganggap bahawa polisi untuk tidak mengiktiraf keputusan peperiksaan UEC ini bersifat diskriminasi di mana pelajar tersebut tidak berpeluang untuk berkhidmat dengan sektor awam di Malaysia."

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah mengiktiraf keputusan peperiksaan Unified Examination Certificate bagi membolehkan pelajar yang terlibat meneruskan pendidikan mereka di negara ini serta berkhidmat di sektor awam di negara ini."

[Menteri Pendidikan]

15. PR-1341-U73036

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kualiti air Sungai Sembulan adalah amat tercemar dan tidak sihat sama ada bagi hidupan marin mahupun bagi ekosistem marin negara ini. Dan mengambil maklum juga bahawa Sungai Sembulan merupakan rangkaian akhir aliran air dari beberapa siri saliran dan parit daripada beberapa taman perumahan yang berpenduduk padat, sebelum aliran air dilepaskan ke laut. Dan mengambil maklum juga bahawa kebanyakan sistem merawat air kumbahan yang ada di kawasan perumahan yang terlibat tidak lagi efisien untuk merawat air kumbahan tersebut sebelum dilepaskan ke saliran-saliran atau parit-parit yang akhirnya mengalir ke Sungai Sembulan sebelum berakhir ke laut. Dan mengambil maklum juga bahawa sebahagian besar terumbu karang di sekitar perairan negeri Sabah telah musnah disebabkan oleh aktiviti manusia seperti pelepasan air kumbahan yang tidak terawat ke laut. Diketahui bahawa kemusnahan terumbu karang (Coral Bleaching) merupakan satu daripada penyebab utama pemanasan global. Dan mengambil maklum juga bahwa negara Malaysia adalah merupakan salah sebuah negara penyokong dan pendokong gerakan United Nation Environment Programme (UNEP) sesuai dengan deklarasi Global Climate Change Conference, Copenhagen 2009. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah menyediakan satu dana khas bagi tujuan pembinaan loji rawatan air kumbahan di sekitar Sungai Sembulan sebelum air sungai tersebut dilepaskan ke laut bagi menyelamatkan ekosistem laut negara ini."

[Menteri Sumber Asli dan Alam Sekitar]

16. PR-1341-U71877

Tuan M. Kulasegaran [Ipoh Barat] akan mencadangkan:-

"Bahawa Dewan ini hendaklah mengambil maklum bahawa rang undang-undang harus digubal untuk mengelakkan kes penukaran agama kanak-kanak di bawah umur secara unilateral dengan adanya penguatkuasaan undang-undang yang sewajarnya serta berpadanan dengan nasihat Kabinet pada 2009 iaitu kanak-kanak dikekalkan agama asal mereka sebelum penukaran agama itu berlaku."

[Perdana Menteri]

17. PR-1341-U73419

Dr. Tan Seng Giaw [Kepong] akan mencadangkan:-

"Bahawa Dewan akan membincangkan keberkesanan Malaysia mencegah serangan ganas."

[Menteri Dalam Negeri]

18. PR-1341-U71858

Tuan Fong Kui Lun [Bukit Bintang] akan mencadangkan:-

"Bahawa Kerajaan mempergiatkan usaha untuk menyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia."

[Perdana Menteri]

19. PR-1341-U71862

Tuan Fong Kui Lun [Bukit Bintang] akan mencadangkan:-

"Bahawa Kerajaan memulihkan pilihan raya kerajaan tempatan seluruh negara supaya urus tadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

[Menteri Kesejahteraan Bandar, Perumahan dan Kerajaan Tempatan]

20. PR-1341-U71883

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum serta menyedari bahawa Lembaga Tabung Haji adalah sebuah institusi kewangan yang penuh dengan kejayaan dan amat membanggakan rakyat Malaysia khususnya umat Islam. Institusi ini juga menjadi contoh untuk negara Islam yang lain ikuti. Maka ianya mesti dijaga dengan penuh ketelusan dan amanah. Sebarang penyelewangan wajib diambil tindakan pantas dan menyeluruh dan jika ianya runtuh maka orang yang mesti dipersalahkan ialah Perdana Menteri."

[Perdana Menteri]

21. PR-1341-U71884

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum bahawa Yayasan Pembangunan Ekonomi Islam Malaysia (YaPEIM) sebuah pertubuhan yang mendapat sokongan umat Islam di Malaysia."

Yayasan ini tertegak dengan niat yang penuh suci bagi membangunkan ekonomi umat Islam di samping menolong mereka yang tidak bernasib baik. Oleh sebab itu sokongan berterusan dari individu dan institusi kepada Yayasan ini membuktikan umat Islam negara ini amat prihatin dengan apa yang terjadi dalam masyarakat Islam. Tetapi membiarkan segelintir individu mengambil kesempatan dari kejayaan Yayasan ini hendaklah dikutuk sekeras-kerasnya. Tindakan lembab oleh Menteri dan Kerajaan dalam memantau perjalanan kewangan Yayasan ini juga harus menerima celaan. Sepatutnya semua pihak yang membelanjakan wang YaPEIM bukan pada tempatnya walaupun 'legally right' tetapi tetap 'morally wrong', mesti bertanggung jawab dan meletakkan jawatan atas kadar segera."

[Perdana Menteri]

22. PR-1341-U71886

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum kehidupan rakyat makin dihipit dengan harga barangan yang makin naik dan tidak terkawal akibat pengenalan cukai GST dan pengecilan nilai Ringgit. Semua rakyat di setiap lapisan masyarakat amat merasai keadaan ini. Kerajaan harus bertindak berani seperti yang pernah dilakukan oleh Mantan Perdana Menteri Tun Dr Mahathir Mohamad bila negara menghadapi masalah ekonomi yang mencemaskan pada penghujung tahun 90an. Tindakan utama yang mesti diambil sekarang ialah dengan mengurangkan perbelanjaan di Jabatan Perdana Menteri dan Kerajaan mesti mengamalkan sikap berjimat cermat di semua peringkat pentadbiran negara."

[Menteri Kewangan]

23. PR-1341-U71888

Dato' Johari bin Abdul [Sungai Petani] akan mencadangkan:-

"Bahawa Dewan ini menggesa Kementerian Pendidikan mengambil langkah-langkah segera supaya pelajar-pelajar kita mempunyai pengetahuan dan kebolehan bertutur dalam banyak bahasa terutamanya Bahasa Inggeris, Arab dan Mandarin akan membantu pelajar-pelajar kita bila meninggalkan alam persekolahan dan universiti nanti. Bahasa ini amat luas digunakan dalam kegiatan harian dan perniagaan dalam negeri dan luar negara. Majikan pasti akan mengambil pekerja yang berkebolehan lebih dari satu bahasa, kerana ianya akan menguntungkan majikan dalam banyak espek. Ketiga-tiga bahasa ini bukanlah sesuatu yang asing bagi kita. Kerajaan harus melihat bagaimana mengintegrasikan pengajaran bahasa-bahasa ini ke dalam sistem pendidikan yang sedia ada. Bayangkan seorang anak Malaysia fasih berbahasa Inggeris, Arab, Mandarin dan dapat mengungkapkan Bahasa Malaysia yang teratur. Sayang sekali apa yang kita sedia ada tidak dimanfaatkan untuk generasi akan datang."

[Menteri Pendidikan]

24. PR-1341-U71890

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum data jumlah pendatang asing yang berdokumen dan tidak berdokumen akan berbeza dari satu agensi kerajaan dengan agensi yang lain. Malah Menteri sendiri menjawab dalam Dewan Parlimen dengan menggunakan perkataan "ini anggaran". Ini bermaksud tiada siapa yang mempunyai data sebenar tentang berapa jumlah Bukan Rakyat Malaysia yang berada di sini. Ini amat membahayakan negara. Kerajaan mesti mengambil tindakan yang berterusan bagi mendaftar mereka yang tidak berdokumen. Tindakan mendaftar dengan mengambil tindakan undang-undang terhadap mereka adalah dua perkara yang berbeza. Yang penting adalah setiap manusia yang berada di negara ini mesti mempunyai dokumen. Tindakan segera mesti diambil dan mestilah berterusan."

[Menteri Dalam Negeri]

25. PR-1341-U72582

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Kesejahteraan Bandar, Perumahan dan Kerajaan Tempatan]

26. PR-1341-U72584

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

27. PR-1341-U72589

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

28. PR-1341-U72617

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini akan menggesa Kerajaan untuk menegakkan prinsip berkecuali sebagaimana yang ditetapkan dalam Non-Alliance Movement (NAM) dan menegaskan bahawa Malaysia tidak akan mengambil bahagian atau menghantar askar untuk menyertai gabungan tentera yang dipimpin Arab Saudi dalam serangan terhadap Yemen, Syria atau mana-mana negara di Timur Tengah."

[Menteri Luar Negeri]

29. PR-1341-U72624

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini menggesa Kerajaan untuk membantu penganggur dengan menyediakan bantuan kewangan secara tunai sebanyak RM1200 sebulan untuk tempoh 3 bulan selepas diberhentikan. Skim ini membolehkan pekerja-pekerja yang menganggur menjamin sara hidup mereka sewaktu mencari pekerjaan baru."

[Menteri Sumber Manusia]